



FAN, TA'LIM VA AMALIYOT INTEGRATSIYASI

ISSN: 2181-1776(E) SJIF 2023: 6.907

Шониязова Ирода
Мурадуллаевна

*Самарқанд давлат университети Психология ва ижтимоий
муносабатлар факультети “Психология назарияси ва амалиёти”
кафедраси ўқитувчиси*

ПСИХОЛОГИЯДА АФФИЛИАЦИЯ МОТИВИ МУАММОСИНИНГ ЎРГАНИЛИШИ

Аннотация

Ушбу мақолада психологияда аффилиация мотиви муаммосининг ўрганилиши хақида сўз юритилган. Аффилиация мотивацияси талабани ўқув фаолияти давомида ақлий, англанилган мулоқот жараёнига ўтишга ундейди, талабалар гуруҳида шахслараро муносабатларни яхшилаб, гуруҳий жипсликни таъминлайди.

Калит сўзлар: Аффилиация, мотивация, Аристотель, Гераклит, Демокрит, Лукреций, Платон, Сократ, рефлекс, рационал ва иррационал ғоялар, Ч. Дарвин эволюцион назарияси.

Аннотация

В данной статье рассматривается изучение проблемы мотива аффилиации в психологии. Мотивация аффилиации побуждает студента к переходу в процессе интеллектуальной, осознанной коммуникации в процессе учебной деятельности, улучшает межличностные отношения в студенческой группе, обеспечивает групповую сплоченность.

Ключевые слова: Аффилиация, мотивация, Аристотель, Гераклит, Демокрит, Лукреций, Платон, Сократ, рефлекс, рациональные и иррациональные идеи, теория эволюции Дарвина.

Annotation



This article discusses the study of the problem of affiliation motive in psychology. The belonging motivation encourages the student to move in the process of intellectual, conscious communication in the process of learning activities, improves interpersonal relationships in the student group, and ensures group cohesion.

Key words: Affiliation, motivation, Aristotle, Heraclitus, Democritus, Lucretius, Plato, Socrates, reflex, rational and irrational ideas, Ch. Darwin's theory of evolution.

Мамлакатимизда шаклланаётган кучли ҳуқукий давлат ва фуқоролик жамияти ўз ижтимоий-иқтисодий асосига эга бўлиши учун демократик жамиятни барпо этишга йўналтирилган ҳар томонлама баркамол малакали мутахассис кадрларни этиштириб бериши лозим. Бунинг учун бўлажак мутахассисларда мулоқотга интилиш, билишга интилиш, ўзини таъкидлаш, манфаатли ҳамкорликка интилиш каби мақсадлар, эҳтиёжлар, мотивлар мажмуудан иборат бўлган аффилиация мотивациясини шакллантириш муҳим ахамият касб этади. Чунки айнан аффилиация мотивацияси талабани ўқув фаолияти давомида ақлий, англанилган мулоқот жараёнинга ўтишга ундейди, талабалар гуруҳида шахслараро муносабатларни яхшилаб, гуруҳий жипсликни таъминлайди.

Мотивация, хусусан, аффилиация мотивацияси тушунчасининг психологиядаги ўрнига тўхталиб ўтсак. Ҳозирги кунга келиб фанда мотивация муаммоси, унинг табиатига оид кўплаб назариялар шаклланган бўлиб, хорижнинг ўзида айнан шу муаммоларга бағишлиланган 50га яқин назариялар мавжудлигини таъкидлаш мумкин . XX асрнинг 20 йилларидан, то ҳозирга қадар Farbda фақат инсон хулқига ва унинг мотивларига хос қатор мотивация назариялари пайдо бўла бошлади (К.Левин [K. Levin, 1926]; Г.Олпорт [G. Allport, 1937]). Ушбу назарияларда органик эҳтиёжлар билан биргаликда таълим ва тарбия асосида пайдо бўлувчи иккиламчи (психоген) эҳтиёжлар ва уларнинг мотивлари масаласига ҳам эътибор қаратила бошланди (Г.Мюррей [H. Murrey, 1938]). Улар қаторида ижтимоий мотивлар сифатида муваффақиятга эришиш, муваффақиятсизликдан қочиш эҳтиёжи, аффилиация, ҳокимиятга интилиш, агрессия, мустақилликка интилиш каби мотивациялар тизимини санаб ўтиш мумкин.

Психологияда мотивация муаммосига бағишлиланган илмий-тадқиқот ишлари ҳам пайдо бўла бошладики, уларда рус ҳамда хориж психологларининг ўрни бекиёс (В.Г. Асеев; В.К. Вилюнас; Е.П. Ильин; В.И. Ковалев; С.Л. Рубинштейн; А.Н. Леонтьев; М.Ш. Магомед-Эминов; В.С. Мерлин; П.В. Симонов; Д.Н. Узнадзе; А.А. Файзуллаев; П.М. Якобсон), шунингдек чет эл



психологиясида (Г. Мюррей; А. Адлер; Дж. Аткинсон; К. Левин; К. Мадсен; А. Маслоу; Дж. Роттер; Х. Хекхаузен; Г. Холл ва бош.).

Мотивацион назарияларни келиб чиқиши ва ривожланиш тарихига назар ташлайдиган бўлсак, кўпгина назарияларда қадимги юонон файласуфларидан Аристотель, Гераклит, Демокрит, Лукреций, Платон, Сократ асарларидағи ғоялар ўртага ташланганлигини кўриш мумкин. Улар мотивацияни “мухтожлик” термини билан атаб, “мухтожлик” ни ҳаёт ўқитувчиси сифатида эътироф этишган.

Демокрит муҳтожлик эҳтиёжига “...эмоционал кечинмаларни ҳаракатга келтирувчи, инсон ақлини ривожланишига, нутқ пайдо бўлишига ва меҳнат қилишга одатлантирувчи асосий ҳаракатлантирувчи куч”- деб таъриф беради. Гераклит эса, ундовчи кучларни, майл, эҳтиёжларни бафуржа кўриб чиқиб, эҳтиёжлар ҳаёт шароитлари билан белгиланади, деган фикрни илгари суради. Сократнинг таъкидлашича, ҳар қайси инсонга эҳтиёжлар, хоҳишлар, интилишлар хосдир. Аристотель эса инсон хулқ-автор механизмларини тушунтиришга ҳаракат қиласи. Унинг фикрича, интилиш доимо мақсад билан боғлиқ. Интилишлар эҳтиёжлар асосида инсон фаоллигини белгилаб берувчи ҳар қандай иродавий ҳаракат ва эмоционал ҳолат келиб чиқиши нуқтаи назаридан табиий асосга эга бўлади, деб таъкидлайди[65; 9-10-с.].

Ушбу қарашларга Лукрецийнинг, ундан кейин голланд файласуфи Б. Спиноза, француз материалистлари XVIII асрда яшаган Э. Кондильяк, П. Гольбах, К. Гальвеций, Н. Г. Чернышевский, Р. Вудвортс, А. А. Ухтомский қарашлари анча яқинdir.

Инсон мотивациясининг моҳияти ва келиб чиқиши доимо иккита фалсафий оқим: рационализм ва иррационализм доирасида ривожланган.

Биринчи рационал ва иррационал ғояларни ўзига қамраб олган мотивацион, психологик назариялар қаторига XVII-XVIII асларда пайдо бўлган қарорларни қабул қилиш назариясини ва ҳайвонлар хулқ-авторини иррационал эканлигини исботлашга бағишлиланган автоматизм назариясинитайкидлаш жоиз. Биринчи назария иқтисодиётда, инсон хулқ-авторини математик билимлар асосида тушунтиришда ишлатилган бўлса, иккинчи назариянинг ривожланиши, ташқи таъсирларга тирик организмнинг механик, автоматик, туғмажавоб рефлекслари сабаб бўлади, деган ғояга асослангандир. Ушбу - бири инсон, бири ҳайвонот оламига алоқадор мотивацион назариялар XIX асрнинг охирига қадар ривожланиб келди ва фалсафада икки қарама-қаршиматериализм ва идеализм назарияларини пайдо бўлишига сабаб бўлди.

XIX асрнинг 2-чи ярмига келиб, биологияда Ч. Дарвин эволюцион назариясининг пайдо бўлиши сабаб, психологияда инсон инстинктлари (З.



Фрейд, У. Мак-Дугалл, И.П. Павлов) ўрганила бошланди. XIX асрнинг охири XX асрнинг бошларида. Фрейд ва У. Мак-Дугаллар томонидан олиб борилган тадқиқот ишларида инсоннинг барча хулқ-атворини туғма инстинктларга боғлаб тушунтириш анъанаси бошланди. З.Фрейд назариясига кўра, инстинктлар уч хил: ҳаёт инстинкти, ўлим инсинкти ва агрессивлик инстинктларидан иборатdir.

Ўтган асрнинг 20-йилларида келиб, инстинктлар назариясининг ўрнига, инсон хулқ-атворини биологик эҳтиёжлар асосида тушунтириб берувчи янги концепция илгари сурилди. Инстинктлар ва эҳтиёжлар ўртасида принципиал тафовутлар деярли кўрсатиб ўтилмаган ҳолда олимлар одамлардаги инстинктлар туғма эканлигига, эҳтиёжлар эса ҳаёт давомида орттирилиши ва ўзгариб боришини ҳисобга ола бошлашди. Бу, бизнинг фикримизча, олимлар томонидан ташқи социум таъсири инобатга олина бошлаган даврни назарда тутади.

Психоаналитик ёндашув вакилларидан Зигмунд Фрейд (S. Freud, 1895) XIX асрнинг охирига келиб хулқ-атвор детерминациясини ўзига хос тарзда ўрганишга киришди. У хулқ-атворни ташкил топишида асосий ролни кучли майллар асосида ҳосил бўлувчипсихик ҳаётнинг онгиз ядроисига эътиборни қаратади. Лекин ҳали психоанализ тўла шаклланмаган, жамият таъсири инобатга олинмаган давр эди.

Худди шу йўналишда ўз назариясини У. Мак-Дугалл (W. McDougall, 1923) давом эттириб, инсондаги 18 та асосий инстинктларни санаб ўтади. Унинг концепциясига асосан, хулқ-атворни ҳаракатга келтирувчи куч, бу ижтимоий хулқ-атворга таълуқли бўлган маҳсус туғма энергия ҳисобланиб, организмни ақлий ва тана ҳаракатларини мақсадга элтувчи эмоционал қўзғалишни яратувчи ва объектларни идрок этиш ҳарактерини белгилаб берувчи кучdir ва ҳар қандай инстинкт учун мос келувчи эмоцияси мавжуд, деб ҳисобланди. У. Мак-Дугаллнинг шахс ҳақидаги чуқур фикрловчи ва мақсад сари йўналтирилган мавжудод деган фикрлари, кейинчалик Г. Олпорт, Г. А. Мюррей, Р. Б. Кеттелла ва Ф. Лершларнинг шахс мотивацион назарияларининг яратилишига асос бўлиб хизмат қилди.

Аксарият рус ва чет эл психологлари томонидан мотив ҳамда мотивация муаммоси психологик категория тариқасида талқин қилиниб, ушбу муаммоларга умумпсихологик, педагогик-психологик ҳамда қисман ижтимоий психологик нуқтаи назаридан ёндашилган. Бу ёндашувлар бизга аффилиация мотивациясининг ижтимоий психологик категория эканлиги ва гурухий жараёнлар ва фаолият доирасида айнан ижтимоий психологик ходиса эканлигини тасдиқлади.

Назарий хуносалар ва мушоҳадалардан кўриниб турибдики, психология фанини турли соҳаларида мотив (мотивация), аффилиация мотивацияси



муаммоси ижтимоий фаолият, ижтимоий хулқ, муомала категориялари билан узвий тарзда талқин қилинган, унинг юзага келиши, кечиши, ривожланиши хусусиятлари ҳам шу йўналишда тадқиқот ишларида муайян натижалар билан ўрганилган. Унга ёндашувлар турли олимлар томонидан турли туман бўлишидан қатъий назар муайян даражада умумийлик мавжудлигини намойиш қиласи ва жараёнларда ижтимоий психологик қонуният ётганлигидан дарак берди.

Фойдаланилгант адабиётлар

1. Ильин Е.П. Мотивация и мотивы. - Питер.: Мастера психологии, 2008. – с-35.
2. Кузнецова И.В. Мотив аффилиации в межличностных отношениях: Дис. ... канд. психол. наук: 19.00.05 СПб . 2006. – С-58.
3. Каримова В.М. Глобал ўзгаришлар шароитида шахс ижтимоий хулқини бошқа-ришнинг долзарблиги. // XXI аср психологияси: назария, амалиёт истиқболлар. Халқаро илмий-амалий конференция материаллари. Т.: “Mumtoz soz”, 22 май 2013.– 31-б.
4. Маслоу А. Мотивация и личность. 3-е изд. \ Пер. с анг. – СПб.: Питер, 2008.– С-42.